



UNIVERSITÄTS-
BIBLIOTHEK
PADERBORN

Universitätsbibliothek Paderborn

Denkwürdige Beiträge für Geschichte und Rechtsalterthümer

Wigand, Paul

Leipzig, 1858

38. Verabredungen und Statuten über Bierbrauen, Erhaltung der
Landwehr und Beleidigungen; 1382 und 1421

urn:nbn:de:hbz:466:1-30944

Vortmer sint wi overkomen unde eyn gheworden: Weret dat we tho os varen wolde bynnen dussen nesten dren jaren, na gifte dusser sate, unde unse borger werden wolde, de schal dat erste jar vrig wesen Schotes, unde scholde vortmer, de wile hee mit uns wonde, alle jar gheven veyr Schillinge tho vorn Huxerscher penninge, unde jo van der mark eynen penning Huxers. Unde wan hee vorstervet, so schal zin vrowe, de wile se levet, dat silve recht behalden. Wan se aver bede dot sin, so scholet ere erven gheven van orem gude, also ore nabure enboven unde beneden en don.

37. Eid, den ein aufgenommener Bürger der Stadt leistet. 1419.

Anno Dom. M CCCC decimo nono dominica die post omnium Sanctorum, do vorlovede Henke van der Lippe de molner, de van Hoxere, unde swor an de Hilgen myt upgherichteden lyffliken vingeren, gestavedes eydes: dat he der van Hoxere beste weten unde don sal, der wile dat he levet, unde en sal noch en wil der van Hoxere ergheste nummer mer don, noch neymant van ziner wegen. Unde wat he der van Hoxere ergheste vornimpt, weyt unde to wetende wert, dat sal he warnen, und dar umme, dat en de van Hoxere anghegrepen hebben, des en sal he noch neymant van ziner wegen nummer mer wreken, noch de van Hoxere daromme bedegedingen neynerleye wys. Dede dat aver we van ziner wegen, dat solde he aff don; und worde dit vorbroken, so hefft he dar vor ghesat to borgen, de solden dat aff don: Henke Ernste, Hans Blomberg, und Henke Ernesten.

38. Verabredungen und Statuten über Bierbrauen, Erhaltung der Landwehr und Beleidigungen, 1382 u. 1421.

Anno Dom. M CCC LXXX secundo, do sworn dusse de hir na screven stat, dat se nicht over des jars bruen scholden, den achtentich verdel hardes kornes, eder also vele anders kornes, also sek dar vor gheboren mach, unde so menghen emmer haneghes also eyn bruet, so mennech verdel kornes schal he myn bruen. Dusses is de nie rad und de alde rad eyn gheworden, und schal stan also langh, also den rad gut dunket. (Folgen 21 Namen.)

Anno Dom. M CCCC XX primo, in vigil. pentecost. do zatte de Rad nye unde olt, unde de gantze gemeynheit to Hoxere, dat men na des-ser tyt neyn vromet ber, noch Geismars ber in de stat to Ho-xere bringen sal, und me en sal des neymande er orloven, et en sy pape edder leye, zunder unsern Heren to Corbeye, to orem eyghe-nen drunke.

Ok so sal men der stat Lantwere heghen. We dar schaden anne dot, dat sal men soken an zineme live und gude. Und de hant-dedege sal men nicht los laten, he en hebbe dat vorbetteret; und dar sal neymant vorbidden.

Ok we den anderen ovel handelt myt worden edder myt werken, zine broke sal men nemen, und den nicht los laten; und dar en sal men nicht vorbidden.